

समा - 12:25 hrs.

<><><><><><>

PM Terrorism

प्रधानमंत्री नरेन्द्र मोदी होरें अज्ज आक्खेआ ऐ जे आतंकवाद पर दोहरे मापदंड हून स्वीकार नेई कीते जाडन। तियानजिन च शंघाई सहयोग संगठन दे शिखर सम्मेलन च अपने भाषणै दरान श्री मोदी होरें आतंकवाद गी समूलची मनुक्ख जाति लेई सब्भनै शा बड्डी चुनौति करार दिता ते आक्खेआ जे आतंकवाद दे हर इक रूप दी सख्त लफ्जें च निंदेआ कीती जानी लोड़चदी ऐ। प्रधानमंत्री होरें आक्खेआ जे भारत, पिच्छले 4 दहाकें थमां आतंकवाद दी मार झल्ला करदा ऐ। उनें पहलगाम आहले आतंकवादी हमले दे बाद भारत कन्नै इकजुटता दर्शाने आहले मुल्खें दे प्रति आभार बी जताया। श्री मोदी होर रूस दे राष्ट्रपति व्लादिमीर पुतिन ते चीन दे राष्ट्रपति शी जिनपिंग हुंदे कन्नै बी एस.सी.ओ. शिखर सम्मेलन दरान अपने बचार सांझे कीते। प्रधानमंत्री मोदी होर रूस दे राष्ट्रपति हुंदे कन्नै दपक्खी बैठक बी करै करदे न।

<><><><><><>

HM Visit

जम्मू दे अपने दौरे दरान गृह मंत्री अमित शाह होरें अज्ज बिक्रम चौक ते तवी पुल कश हाड़ें करी प्रभावत इलाकें दा निरीक्षण कीता। लेफ्टिनेंट गवर्नर मनोज सिन्हा ते केई वरिष्ठ अधिकारी बी इस मौके पर श्री शाह हुंदे कन्नै हे। गृह मंत्री होर अज्ज राजभवन च बैठकां बी

लाइन जिस दरान लेफ्टिनेंट गवर्नर मनोज सिन्हा ते गृह मंत्रालय ते प्रदेश प्रशासन दे वरिष्ठ अधिकारी उनेंगी राहत, बचा ते पुर्नबहाली सरबन्धी कम्ममें बारै जानकारी देडन।

<><><><><><>

MHA Damage Teams

केन्द्री गृहमंत्रालय नै जम्मू-कश्मीर ते एहदे गोआंडी राज्यें-पंजाब-हिमाचल प्रदेश ते उत्तराखंड च भारी बरखें-हाड़ें-बददल फटटने ते लास-पस्सियां पौने करी होए दे नुकसान दा आकलन करने लेई अंतर-मंत्रालयी केन्द्री टीमें दा गठन कीता ऐ। गृहमंत्री अमित शाह हुंदे निर्देशें पर कारवाई करदे होई एह टीमां प्रभावत जिलें च जाइयै उत्थे कुदरती क्रोपियें करी होए दे नुकसान दा आकलन करगंन। इंदे चा हर इक टीम दी अगुवाई संयुक्त सचिव सतह दे अधिकारी आसेया कीती जाहग ते इंदे च होरनें महत्वपूर्ण मंत्रालय- जियां राई-बाई- जलशक्ति ते सिइक ट्रांसपोर्ट मंत्रालय थमां प्रतिनिधि शामल होगंन। केन्द्र सरकारै हालात पर लगातार तक्क रक्खी दी ऐ ते कन्नै एह यकीन बी दोआया ऐ जे सरबन्धत राज्य सरकारें गी हर मुमकन मदाद दिती जाहग।

<><><><><><>

Infiltration Bid Foiled

सुरक्षाबलें अज्ज पुंछ जिले दे बालाकोट इलाके च कब्ज़ा रेखा पर घुसपैठ दी इक नापाक कोशश गी नाकाम बनाई दिता ऐ। सोशल मीडिया दी इक पोस्ट च फौज दी व्हाईट नाईट कोर नै दस्सेआ ऐ जे अज्ज बड्डलै तकरीबन साइडे 5 बजे फौज दे सोहगे जवानें कब्ज़ा रेखा दे नेड़े संदिग्ध नक्लो हरकत दिक्खी ते तुरत फायर खोली दिता जेहदे चलदे घुसपैठिए वापस

नस्सने गी मजबूर होईं गे। एहदे परैन्त सुरक्षाबलें अपनी निगरानी गी होर बधाई दिता। हालात काबू च न ते कब्ज़ा रेखा पर इस किस्मै दिएं होरनें माड़ी कोशशें गी नाकाम करने लेई बलें गी अलर्ट पर रक्खेआ गेदा ऐ।

<><><><><><>

Shuttle Service

खराब मौसम करी कटरा च फसे दे जातरिएं दी सुविधा आस्तै उत्तर रेलवे दे जम्मू डिवीजन आसेआ अज्ज जम्मू ते कटरा बश्कार बशेश रेल सेवां चलाइयां जाश्रदिआं न। सरबंधत अधिकारिएं मूजब, पैहली रेल जम्मू थमां अज्ज बड्डलै साइटे 9 बजे रवाना होई। एहदे परैन्त एह कटरा थमां अज्ज दपैही साइटे 3 बजे चलोग ते मेद ऐ जे साइटे 5 बजे तगर एह जम्मू पुज्जी जाहग। इसै चाल्ली इक रेल जम्मू थमां अज्ज संझां 6 बजे चलोग ते 8 बजे तगर कटरा पुज्जी जाहग। इस सेवा दा मकसद मौसम दे खराब सूरते हाल करी प्रभावत होए दे जातरिएं गी राहत ते संपर्क दी सुविधा उपलब्ध करोआना ऐ।

<><><><><><>

Yatra Suspended

त्रिकुटा दिएं प्हाड़िएं पर लगातार बने दे खराब मौसम दे मददेनज़र श्री माता वैष्णो देवी जी दी यात्रा गी अज्ज उप्परोतली 7में ध्याड़े बी बंद गै रक्खेआ गेदा ऐ। लगातार बरखा करी बाणगंगा च चानचक्क हाड़ आई गेआ हा, जेहदे चलदे जातरा मार्ग दे किश हिस्सें गी नुक्सान पुज्जा ते जातरुएं दी सुरक्षा गी दिक्खदे होई जातरा गी मुअत्तल करी दिता गेआ। जातरा गी मुअत्तल रक्खे जाने दे चलदे धर्म नगरी कटरा च लोकें दी आओजाई नां दे बरोबर गै दिक्खने

गी लब्धी। उआं अज्ज मौसम च किश सुधार जरूर होआ ऐ पर सरबंधत अधिकारिं दा आक्खना ऐ जे सुरक्षा सरबंधी मंजूरी थहोने दे बाद गै यात्रा गी फही शुरू कीता जाहग।

<><><><><><>

Traffic

जम्मू-श्रीनगर राष्ट्री जरनैली सिड़कै पर गड़्डिं दी आओजाई आंशिक तौरा पर ब्हाल होई गेई ऐ ते सब्भनै शा पैहले बत्ता फसी दिं गड़्डिं गी गै अग्गे बधाया जा'रदा ऐ। लोकें गी सलाह दिती गेई ऐ जे ओ ओवर टेकंग नैई करन ते अनुशासित ढंगै नै गड़्डी चलान-तां जे बेवजह जाम जनेही स्थिती पैदा नैई होयै। उआं नगरोटा ते जखैनी थमां अज्ज गड़्डिं गी श्रीनगर बक्खी जाने दी इजाजत नैई दिती गेदी ऐ।

<><><><><><>

Weather

मौसम विभाग नै कल्लै तोड़ी जम्मू, कठुआ, ते साम्बा च भारी थमां बड़ी भारी बरखा पौने दी पेशगोई कीती ऐ, जदके रजौरी, रियासी, डोडा, रामबन, किशतवाड़, ते उधमपुर च दर्मेयाने दर्जे थमां भारी बरखा बरने दे असार न। मौसम विभाग नै बसनीकें गी गुजारिश कीती ऐ जे ओह सोहगे-सतर्क रौहन ते कुसै बी एमरजेन्सी दी सूरतै च 112 नम्बरै पर राबता करन। तोंआई मौसम विभाग नै सितम्बर म्हीने च सामान्य कोला मती बरखा भरने दा अनुमान दस्सेया ऐ। मैहकमे दी मौसम बारे पेशगोई सरबंधी मासिक रिपोर्ट च दस्सेया गया ऐ जे मुल्खा दे ज्यादातर हिस्सैं च इस म्हीने सामान्य कोला मती बरखा भरने दे आसार ऐ।